



**basic education**

Department:  
Basic Education  
REPUBLIC OF SOUTH AFRICA

**LUHLOLO LWEMNYAKA LWAVELONKHE 2012**

**LIBANGA 1**

**SISWATI LULWIMI LWASEKHAYA**

**ISETHI 2 SIBONELO**

## **TINKHOMBANDLELA TEKUSETJENTISWA KWETIBONELO TELUHLOLO LWAVELONKHE LWEMNYAKA (ANA)**

### **1. Sibutsetelo lesivamile**

Luhlolo Lwavelonkhe Lwemnyaka (ANA) luhlolo lwelwati nemakhono lekulindzeleke kwekutsi atfufukiswe kubafundzi ekupheleni kwemnyaka emabangeni 1- 6 kanye nelibanga 9. Kusekela luhlolo lwabo lolugcile etikolweni nekucinisekisa kwekutsi bafundzi batfola kutetsemba lokudzingekako kute bahlanganyele ngemphumelelo kuluhlolo lolusuka ngaphandle, liitimba labothishela kanye nabochwepheshe betifundvo bahlangene kute bahlanganise sibonelo semibuto yesivivinyo lesitawusetjentiswa ngubothishela kutifundvo tabo teLulwimi kanye neteTibalo. Sibonelo semibuto yesivivinyo leniketive, isuselwe emsebentini wekharikhulamu lofaka ekhatsi umsebenti wemaThemu 1, 2 kanye na 3 wemnyaka wesikolo kanye nesifanekiso sesivivinyo lesiphelele seLuhlolo Lwavelonkhe Lwemnyaka (ANA) welibanga ngalinye. Letibonelo, letifaka ekhatsi sifaniso sesivivinyo seLuhlolo Lwavelonkhe Lwemnyaka (ANA), tichibela luhlolo loluchubekako lolugcile etikolweni lokumele kwekutsi bafundzi bandlule kulo, letibonelo atiyitsatsi indzawo yeluhlolo loluchubekako.

### **2. Kwakheka kwetibonelo temibuto**

Letibonelo ticondzise kubonisa emasu netindlela letehlukene tekuhlola emakhono kanye/nobe nelwati. Uma ngabe lolunye lwati lwalokucuketfwe nobe likhono kungahlolwa ngekusebentisa umbuto locuketse timphendvulo letinyenti (lapho umfundzi kumele akhetse imphendvulo lekunguyona mbamba kuleto letiniketive) nobe sitatimende (lesidzinga kwekutsi bafundzi babhale imphendvulo kuphela kumbe indzima) nobe letinye tinhlobo temibuto (ledzinga bafundzi kwekutsi bahlanganise emagama / titatimende ngemigca, kute bacedzise imisho leniketive nobe emaphethini, kukhombisa timphendvulo tabo ngemidvwebo nangemifanekiso, njll.). Ngakoke, uma bothishela nebafundzi batfola linani letibonelo temibuto leyakheke ngalokwehlukile kepha ibuta intfo yinye, kumele bavisise kwekutsi loko kwentive ngemabomu futsi bafundzi kumele bayiphendvule yokhe lemibuto yetibonelo. Kuveta ebaleni ngalokubanti tinhlobonhlobo temasu netindlela tekubuta, kuniketa bafundzi kutetsemba lokudzingekako kute babukane netivivinyo

### **3. Kuhlanganiswa naletinye tinsita tekufundza nekufundzisa**

Kute kube nekuchumana lokubalulekile, lamanye ematheksthi aletibonelo kanye nemibuto iye yahlanganiswa ngabomu neyeTincwadzi Temisebenti (Workbooks) lehambisana kahle nelizinga lalelo banga. Letibonelo tiphindze tihambisane tidzingo teSitatimende seKharikhulamu Savelonkhe (NCS) yemabanga R-12, lokutfolakala kuSitatimende Senchubomgomo yeKharikhulamu Nekuholo (CAPS) yemabanga akhona lafanele kanye ne National Protocol for Assessment. Yonkhe lemibhalo, seyihlangene naleminyane letfolakala esikolweni, yakha sisekelo lesinotsile setinsita lesilekelela bothishela ekuhleleni tifundvo nasekuchubeni luhlolo loluhlelekile (kuhlolwa kwekufundza).

### **4. Tingasetjentiswa njani letibonelo**

Nanobe letibonelo telibanga kanye nesifundvo kubutselwe ndzawonye kwaba yisethi yinye leyimbumba lephelelisiwe, akukadzingeki kwekutsi thishela anikete bafundzi lomsebenti kutsi bawente sikhatsi ngasinye. Kumele thishela akhetse tibonelo temibuto lecondzene naloko lakuhlelele esifundvweni sakhe ngalesikhatsi lesiniketive. Umbuto munye nobe linani leliphatsekako lemibuto yesivivinyo yesibonelo lekhetfwe nobe yatonyulwa ngekucaphelisisa, ingasetjentiswa etigabeni letahlukene tekuchubekisa kufundza nekufundzisa ngalendlela :-

- 4.1 Ekucaleni kwesifundvo njengesivivinyo seluhlololucwaningo kutfola emandla nebutsakatsaka lobukhona kumfundzi. Loluhlololuncaningo kumele uholele ekuniketeni satiso ngekushesha kubafundzi nasekusunguleni tifundvo letilungele kubasita kulobutsakatsaka losebubonakele bese kubacinisa emandla. Lesivivinyo semhlahlo singaniketwa bafundzi njengemsebenti wasekhaya kute kongeke sikhatsi seticondziso ekilasini.

- 4.2 Ngalesikhatsi kufundwa njenge tivivinyo letichubekako tekuhlola kwekutsi bafundzi bayafutfuka elwatini lolumiselwe kanye nemakhono njengoba sifundvo sichubeka kute kube nesiciniseko sekutsi akekho umfundzi losalela emuva.
- 4.3 Emaphetselweni esifundvo nobe luhla lwetifundvo njengesivivinyo sekuphela kwethemu kuhlola kwekutsi bafundzi batfole kucondza lokwenele futsi bangasebentisa lolwati nemakhono labawafolile esifundvweni nobe etifundvweni lesebaticedzile. Lesatiso lesiya kubafundzi kumele siniketwe ngekushesha ngalesikhatsi thishela asancuma kwekutsi ingabe kukhona yini kulesifundvo nobe tifundvo lapho kumele abuyele emuva khona kucinisa lwati nemakhono latsile.
- 4.4 Kuto tonkhe tigaba kuveta tindlela letahlukene tekuhlola nekubuta kubafundzi, sib. kuphendvula imibuto lenetiphendvulo letinyenti letiniketive (MC), imibuto levulekile ledzinga timphendvulo letahlukene (OE) nobe imibuto ledzinga nobe nguyiphi imphendvulo (FR), imibuto ledzinga timphendvulo letimfisha (SA), njll.

Nanobe sivivinyo seluhlololucwaningo nalesichubekako singaba sifisha ngekwelinani lemibuto lefakiwe, sivivinyo sekuphela kwethemu sitawufaka imibuto leminyenti kute kwakheke sivivinyo lesiphelele ngekuya kwemsebenti losewentiwe ngalesosikhatsi. Intfo lebalulekile kuba nesiciniseko sekutsi ekugcineni bafundzi batfola litfuba lelanelo lekutilungiselela ngekuphendvula tivivinyo letigcwele teluhlobo lwe sifanekiso seLuhlolo LwaVelonkhe Lwemnyaka (ANA).

## **5. Imemorandamu nobe tinkhombandlela tekumakha**

Luhlobo lwesibonelo sekuphendvula lesilindzelekile (tinkhombandlela tekumakha) siniketive kuleyo naleyo mibuto yesibonelo sesivivinyo yaphindze futsi yaniketwa kusifanekiso sesivivinyo seLuhlolo LwaVelonkhe Lwemnyaka (ANA). Kumele bothishela bakubeke etingcondvweni tabo kwekutsi angeke kwenteke kwekutsi imemorandamu ipheleliswe. Imemorandamu iniketa kuphela imitsetfo lebanti yetinhlobo tetimphendvulo letilindzelekile kantsi nabothishela kumele batibute ngalokujulile bese baniketa umvuzo kuloko lokukhetsiwe netingucuko tetimphendvulo letiniketive letemukelekako letivela kubafundzi.

## **6. Lokucukethwe yekharikhulamu**

Kubaluleke ngalokwedulele kwekutsi ikharikhulamu yentiwe yonkhe ngalokugcwele kulelo nalelo likilasi. Tibonelo telibanga ngalinye kanye nesifundvo akukameli ikharikhulamu yonkhe. Tiyisampula nje yelwati nemakhono lasemcoka futsi emsebenti lowetiwe ngemathemu 1, 2, na 3 emnyaka wesikolo. Kuhleleka kwemsebenti lokumele wentiwe lophelele kumathemu esikolo ukhonjisiwe kahle emiculwini yeCAPS.

## **7. Siphetho**

Inhloso yeLitiko kutfutukisa emazinga nekhwalithi yekusebenta kwemfundzi kuhlolisisa emakhono lasisekelo sekufundza nekubhala kanye nekubala. Luhlobo Lwemnyaka LwaVelonkhe ngulelinye lithulusi lelisetjentiswa liLitiko kulandzela nekutfolela kwekutsi kusebenta kwebafundzi kukhombisa kutfutuko, kuma ndzawonye nobe kukhombisa kwehla. Tigodzi netikolo tilindzeleke kwekutsi tisekele bothishela tibuye tibanikete netinsita letidzingekekako kutfutukisa kufundza nekufundzisa lokuyimphumelelo etikolweni. Ngekusebentisa tibonelo te ANA njengencye yetinsita tabo tekufundzisa, bothishela batawulekelela bafundzi ekutseni batatayelet indlela nemasu lahlukene lasetjentiswako nakuhlolwa. Ngekusetjentiswa kahle kwetibonelo kutawukwenta kwekutsi bafundzi basitakale ekutfoleli lwati lolufanele futsi batfutukise emakhono langiwo ekufundza ngemphumelelo babuye basebente kancono kutivivinyo te-ANA letitawulandzela.

1.1 **Buka lesit fombe uphendvule umbuto 1.1 kuya kumbuto 1.5**



**Dwebela indilinga eluhlavini lolunemphendvulo lengiyo.**

Bayadla ...

- A esihlahleni.
- B etafuleni.
- C ebhasini.
- D emotweni.

1.2 **Gcwalisa ligama lelingekho**

Ngibona make, babe, bhuti na \_\_\_\_\_

1.3 **Faka indingilizi emphendvulweni lengiyo**

Umndeni wemalunga la ...

sihlanu	mabili	mane
---------	--------	------

1.4 **Dvwebela yebo nobe cha**

Umndeni uyadlala. Yebo/cha

1.5 **Phendvula umbuto lolandzelako.**

Bobani lebadlako etafuleni?

2.1 **Fundza lendzaba bese uphendvula imibuto 2.1 kuya kumbuto 2.5**



Fana, Lindi na Veli bakaZulu. Bagibele emabhayisikili. Baya ekhaya.

**Dwebela indilinga eluhlavini lolunemphendvulo lengiyo.**

Bagibele ...

- A emabhasi.
- B timoto.
- C timbongolo.
- D emabhayisikili.

2.2 **Gcwalisa ligama lelingekho**

BoFana, \_\_\_\_\_ naVeli bakaZulu

2.3 **Faka luphawu X emphendvulweni lengiyo**

Bebaya ...

esikolweni	ekhaya
------------	--------

2.4 **Faka indingilizi kuyebo nobe cha**

Bebaya ekhaya. Yebo / cha

2.5 **Phendvula umbuto lolandzelako**

Fana wakabani sibongo sakhe?

3.1 **Fundza lenzaba bese uphendvula imibuto**

Emadada lamabili asedamini ayageza. Kufika bafana lababili, boSiza naDuma nabo bafuna kugeza.

Duma yena uyawesaba emadada kodvwa Siza akawesabi. Siza uzama kucosha emadada edamini kute bakwati kugeza. Akazange ahambe emadada, kunaloko asuka edvute nalabafana aya ekugcineni kwelidamu. Bafana bacala-ke kubhukusha edamini.

**Dwebela indilinga eluhlavini lolunemphepvulo lengiyo.**

Emadada asedamini ...

- A ahleti.
- B alele.
- C ayageza.
- D ayanatsa.

3.2 **Gcwalisa ligama lelingekho.**

Emadada \_\_\_\_\_ ayageza.

3.3 **Bhala yebo nobe cha.**

Siza uyawesaba emadada. \_\_\_\_\_

3.4 **Niketa umbono wakho ngalenzaba.**

Ucabanga kutsi kwentekani ngesikhatsi labafana basageza?

3.5 **Phendvula umbuto lolandzelako.**

Ngubani lobekasaba emadada?

4.1 **Bukisisa kahle lesit fombe kute ukwati kuphendvula imibuto 4.1 kuya kumbuto 4.5.**



**Dwebela indilinga eluhlavini lolunemphendvulo lengiyo**

I ndvodza ilunywa ...

- A imbuti.
- B inj a.
- C inyoni.
- D livivane.

4.2 **Sebentisa ligama loniketwe lona kwenta umusho 'baleka'.**

4.3 **Gcwalisa ligama lelingekho.**

Inj a iluma \_\_\_\_\_

4.4 **Catsanisa kucedzela lomusho.  
Dvweba umugca kukhombisa loko.**

Inj a iluma	iyabaleka.
Ucoshiswa emadvodza sigebengu.	
Indvodza	Iamahili

4.5 **Phendvula imibuto ngekusebentisa emagama akho.**

Yenteni lendvodza lelunywa yinj a?

5.1 **Faka indingilizi egameni lelingahambisani nalamanye.**

Umtimba wami une...

msila.	mehlo.	sisu.
--------	--------	-------



5.2 **Khetsa ligama lekungilo ebhokisini kucedzela loluhlu loniketwe lona Faka luphawu X emphendvulweni lengiyo.**

Indlebe

Umlomo


Sisu \_\_\_\_\_

likati	liso	lij eke
--------	------	---------

5.3 **Bhala ligama kucedzela loluhlu.**

Mina ngitsandza emabhanana, emawolintji, emalitji, \_\_\_\_\_

5.4 **Faka luphawu X etintfweni lotisebentisa eklasini.**



5.5 Tentele luhlu lwakho lwetintfo letintsatfu lotsandza kutenta.

6.1 **Dvweba sit fombe ngendzaba loyitsandzako.**

6.2 **Fundza lendzaba lelandzelako.**

Thishela wami muhle futsi ngiyamtsandza.  
Sengiyakwati kubhala nekufundza ngenca yakhe.  
Ungifundzisa nekutsi ngihlonipha wonkhe umuntfu, kanye nebangani bami.

**Dvweba sit fombe ngendzaba loyifundzile.**

6.3 **Fundza lendzaba lelandzelako.**

Ematuba lamabili asetulu esihlahleni, ayadla.  
Umfana ushaya linye ngelitje.  
Leli lelinye labaleka.

**Dvweba sit fombe lesikhombisa siphetho salendzaba.**

6.4 **Dvweba sit fombe kucedzela lendzaba.**

Ngibuya esikolweni, ngidle kudla bese ...

7.1 **Catsanisa emagama lasemakhadini kucedzela umusho**

**Dvweba umugca kukhombisa loko.**

Sesi uya	sivalo
Vala	ulele
Babe uyagula	esitolo

7.2 **Gcwalisa emagama akho kucedzela umusho.**

Vusi \_\_\_\_\_


7.3 **Sebentisa ligama loniketwe lona kwenta umusho.**

Ugugile

Lima

7.4 **Tibhalele umusho ngendzaba yakho loyitsandzako.**

7.5 **Bhala umusho ngesit fombe loniketwe sona.**






8.1 **Gcwalisa umsindvo longekho kucedzela leligama.**


Li\_ezi

Ma\_ume


8.2 Dvweba umugca kucatsanisa emagama netit fombe.

lilanga	
make	
likati	

8.3 Bhala emagama etit fombe.



8.4 Gcwalisa emagama langekho kucedzela umusho.






..... iyadla make..... umnt fwana

9.1 Gcwalisa umsindvo longekho.



J\_bula

9.2 **Catsanisa emagama netit fombe.**

**Dvweba umlayini kwenta umugca.**

	umbhede
	sipikili
	lidada

9.3 **Bhala emagama etit fombe.**

	iy_____
	ik_____

9.4 **Gcwalisa emagama langekho kucedzela lomusho.**

Babe ug\_\_\_\_\_ ibhasi

